

Classe 632 - Adult Students - Individual - Advanced

Lé Pêtre et s'n Ithangnie par Frank Le Maistre (FLM)

Un pêtre fait eune ithangnie
Dé fis si fins, si draits,
Qu'atout ses dés nou n'peut même pon
Tâter ch'la comme d'la souaie;
Tout l'tou, tout l'tou i' file sa trême,
En long et en travèrs –
Viy'ous don ch'la, comme i' dêvyie –
Faut-i tch'il ait d'bouons ièrs!

O, qué ch'est bé tout d'même, n'est-che pon?
Un co qu'tout est finni!
Toutes les p'tites môûques veinnent à l'entou
Sans vaie où'est tch'est l'dangi:
D'allant, dé v'nant i' dansicottent
Tout près, au bieu solé –
En d'ssus en d'ssous i' vont et veinnent
Frâsant ch't âffreux drannet!

Lé pêtre affanmé dans sa carre
À d's ièrs, lé saquétîn –
I' vait partout à l'entou d'li
Et dgette tout chu frétîn;
Bein vite les eunes appraichent acouo
Trop hardies, dgia, trop près
Et, craque, i' s'enhèrmellent si bein –
Fichu - i' sont happées!

Mais d' aut', pus sages ou pus chanceûthes,
Ont l' idée d' s'estchiver,
I' lus écartent dé l'ithangnie,
Ailleurs font lus trajet;
Eh bein, né v'là eune bouonne léçon
Tch'i' faut qu'j'apprenions tous –
Ma M'mère m'la dit, la vie n'est qu'pièges –
Ch'est en tchi, don, méfi'ous!